

玉海藝文校證

下

〔宋〕王應麟撰

武秀成 趙庶洋 校證

玉海藝文校證

下

(宋)王應麟 撰

武秀成 趙庶洋 校證



玉海藝文校證卷二十四

傳

尚書注云：「傳即注也，以傳述爲義。」史記索隱云：「列傳者，叙列人臣事迹，令可傳於後世。」釋名曰：「傳者，傳也，以傳示後人也。」

黃帝星傳 內傳

見天文類。書目：黃帝內傳一卷，題錢鏗得於石室，劉向校書得之。蓋依托云。

禹大傳

文選離騷經王逸注：禹大傳曰：「洧槃之水出崦嵫之山。」

周王傳 穆天子傳

唐志：穆天子傳六卷。晉書云「五篇」。

隋志：六卷，汲冢書，郭璞注。起居注類。晉時得汲

冢書，有穆天子傳，體製與今起居正同，蓋周時內史所記王命之副也。

春秋正義：周王游行

五卷。

文選陶潛讀山海經詩：泛覽周王傳。

中興書目：六卷。

晉太康二年，汲郡民發古

冢得之。其書言穆王游行之事。侍中荀勗等校正，郭璞爲之注。序曰：「謹以一尺書紙寫上，

請付秘書繕寫，藏之中經，副在三閣。詔荀勗、和嶠等以隸字寫之。六卷，八千五百一十四

字。」書正義、漢書注、水經注引之。

拾遺記：穆王三十二年，巡行天下，有書史十人記其所行之地。

孔子六藝傳

史記封禪書：孔子論述六藝，傳略言封泰山禪梁父者七十餘王矣，其俎豆之禮不章，蓋難

言之。

大史公論六家曰：儒家以六藝爲法，六藝經傳以千萬數。

夏小正傳

春秋正義：大戴禮夏小正傳曰：「繫，游胡。」

春秋瑞應傳

白虎通三正篇：春秋瑞應傳曰：「敬受瑞應而王，改正朔，易服色。」

漢高祖孝文傳

見御製。

漢保傅傳 青史氏記 學禮

〔昭紀〕：始元五年六月，詔曰：「通保傅傳。」注：文穎曰：「賈誼作，在禮大戴記。」大戴禮第三卷保傅第四十八：殷周有道之長，秦無道之暴，其故可知也。太子生，舉以禮。自爲赤子時，教固以行矣。周成王幼，在襁褓之中，召公爲太保，周公爲太傅，太公爲太師，此三公之職也。爲置三少，皆上大夫也，曰少保、少傅、少師。故孩提，三公、三少固明孝仁禮義以導習之。逐去邪人，不使見惡行，於是比選天下端士，孝悌閑博有道術者，以輔翼之，使之與太子居處出入。及太子少長，則入于小學。見賈誼傳。學禮曰。云云。太子既冠，成人，免於保傅之嚴，則有司過之史，有虧膳之宰，有進善之旂，有誹謗之木，有敢諫之鼓，瞽史誦詩，工誦正諫，大夫進謀，士傳民語。習與智長，化與心成，是殷周所以長有道也。三代之禮，云云。食以禮，徹以樂。失度則史書之，工誦之，三公進而讀之，宰夫減其膳，是天子不得爲非也。明堂之位曰：「道者，導天子以道，常立於前，是周公也。充者，充天子之志，常立於左，是太公也。弼者，拂

天子之過，常立於右，是召公也。承者，承天子之遺忘，常立於後，是史佚也。注：道，或謂之疑。充，或謂之輔。故成王中立而聽朝，則四聖維之，是以慮無失計，舉無過事。云云。夫存亡之反，治亂之機，其要在是矣。天下之命，係於天子，天子之善，在於早諭教與選左右。云云。此時務也。新書保傅篇。「天子不論先聖王之德，云云。太師之任也。」云云。至「太史之任也」。新書傳職篇。春秋之元，詩之關雎，禮之冠、昏、易之乾、坤，皆慎始敬終云爾。素成繁成。云云。謹爲娶妻嫁女，必擇孝悌世世有行義者。四。如是則子孫慈孝，黨無不善。五。三族輔之，故曰素成。胎教之道，書之玉版，藏之金匱，置之宗廟，以爲後世戒。青史氏之記曰：注：青史子。「古者胎教，王后腹之七月而就宴室，太史持銅而御戶左，太宰持升一作「斗」而御戶右。新書云：太卜持善龜而御堂下，諸官皆以其職御於門內。比及三月，王后所求聲音非禮樂，則太師縕瑟而稱不習，所求滋味者非正味，則太宰倚升新書云：荷斗而言曰：『不敢以待王太子。』太子生而泣，太師吹銅曰：『聲中某律。』六。太宰曰：『滋味上某。』新書云：太卜曰命云某。然後卜名，上無取於天，下無取於墜，中無取於名山通谷，無拂於鄉俗，是故君子名難知而易避也。成王生，仁者養之，孝者襁之，四聖傍之。七。有知而選太公爲師，周公爲傅。王左右不可不練也。八。故曰繁成。九。注：賈子胎教與此同。古者年八歲而出就外舍，學小藝焉，履小節焉。小學，謂庠門，一作虎闕，保之學也。束髮而就大學，學大藝焉，履大節焉。大學，王宮之東，此太子之禮。居則習禮文，行則鳴珮玉，升車則聞和鸞之聲，是以

非僻之心無自入也。在衡爲鸞，在軾爲和，馬動而鸞鳴，鸞鳴而和應。聲曰和，和則敬，此御之節也。上車以和鸞爲節，下車以佩玉爲度。上有雙衡，下有雙璜。衝牙、蚬珠以納其間（二〇），珣珉以雜之。行以采茨，趨以肆夏，步還中矩，進則揖之，退則揚之，然後玉鏘鳴也。古之爲路車也，蓋員以象天，二十八橑以象列星，軫方以象地，三十幅以象月。故仰則觀天文，俯則察地理，前視則覩鸞和之聲，側聽則觀四時之運，此巾車教之道也。自青史氏以下，太子之事也。〔新書容經篇〕國不務大，務得民心；佐不務多，務得賢臣。〔引鮑叔史鱣事〕得賢者安存，失賢者危亡。明鏡所以察形，往古所以知今。凡二章，三千五百五十四字。〔保傳言其常，傳職戒其變，胎教原其本，而所以養於外者，猶不敢忽此。佩以明有度，車以明有則，而容經又次之。〕

民語，「王失度則史書之，工誦之」。〔後漢祭祀志注蔡邕引保傳〕「五學」之文。〔詩正義引大戴保傳篇鸞和之說。〕柳宗元四門壁記：「保傳篇曰：『帝入東學以貴仁，南學以貴德，西學以貴義，北學以尊爵。』賈生述之，以明太子之教。」

禮記文王世子篇：世子之記曰。云云。注：世子之禮亡，此存其記。

【校證】

〔一〕謀，原作「諫」，據大戴禮記卷三保傳、新書卷五保傳及漢書卷四八賈誼傳改。

〔二〕至太史之任也，「至」字非新書傳職篇原文所有，乃王應麟因省略上文「太傅之任」、「太保之任」、

「少師之任」云云所補之敘述語。

〔三〕素成繁成，大戴禮記卷三保傳作「素誠繁成」，新書卷一〇胎教作「素成」而無「誠繁」二字，清儒多以「誠繁」爲衍文，此作「素成」，當爲王氏據下文，故曰素成」及新書卷一〇胎教改。

〔四〕者，原脫，據大戴禮記卷三保傳及新書卷一〇胎教補。

〔五〕黨無不善，原作「黨爲不善」，據四庫本及大戴禮記卷三保傳、新書卷一〇胎教改。

〔六〕某律，原作「其律」，據四庫本及大戴禮記卷三保傳、新書卷一〇胎教改。

〔七〕四聖，大戴禮記卷三保傳及新書卷一〇胎教作「四賢」，當從之。

〔八〕自「成王生」至「王左右不可不練也」，此數句大戴禮記卷三保傳在下文「此巾車教之道也」句之後，蓋王氏爲校補舊文脫誤而移於此。參見下條校證。

〔九〕故曰繁成，大戴禮記卷三保傳及新書卷一〇胎教無此句，蓋王氏據上文「素成繁成」及「故曰素成」而補。

〔一〇〕衡牙，原作「衡牙」，據大戴禮記卷三保傳、新書卷六容經改。

漢離騷傳

淮南王安傳：入朝，獻所作內篇，新出，上愛秘之。使爲離騷傳，旦受詔，日食時上。師古曰：傳謂解說之，若毛詩傳。又獻頌德及長安都國頌。隋志：淮南王章句，其書今亡。朱買臣傳：召見，

說春秋，言楚辭。帝甚說之。王褒傳：宣帝修武帝故事，講論六藝群書，召能爲楚辭九江被

公，召見誦讀。志：淮南王賦八十二篇。群臣賦四十四篇。班固曰：孝武詔淮南王安叙

離騷傳，以爲國風好色而不淫。云云。斯論似過其實。（二） 王逸云：武帝使淮南王安作章句。

其書今亡。

晁氏：楚辭自宋玉九辯以下皆謂之傳。詳見楚辭類。

【校證】

〔一〕此出楚辭章句卷三班孟堅序。

漢六經異傳

史記自序：厥協六經異傳。索隱云：如子夏易傳、毛公詩傳、韓嬰詩外傳、伏生尚書大傳

之流也。正義云：如左丘明春秋外傳國語。樊儵傳：永平元年，以讖記正五經異說。

漢天下忠臣傳

志陰陽家：于長天下忠臣九篇。平陰人，近世。注：劉向別錄云：「傳天下忠臣。」唐志：

武誼自古忠臣傳二十卷。咸通中作。南史：梁元帝撰忠臣傳三十卷。舊唐志雜傳：孝友十

家，忠節三家。

漢列女傳

志：劉向所序列女傳頌圖。

劉向傳：向觀俗奢淫，而趙衛之屬起微賤，逾禮制。向以

爲王教由內及外，自近者始，采詩書所載賢妃貞婦興國顯家可法則，及孽嬖亂亡者，次爲列女傳，凡八篇，以戒天子。隋志：列女傳十五卷，唐志同。劉向撰，曹大家注。又七卷，趙母注。

唐志云：趙母傳七卷。又八卷，高氏撰。頌一卷，劉歆。又一卷，曹植。贊一卷，繆襲。以頌爲劉歆作，

與向列傳不合。志有頌圖，非歆也。曾鞏目錄序：隋書、崇文總目皆稱「十五篇，曹大家注」。以頌

義考之，蓋大家所注，離爲十四，與頌義凡十五篇。益陳嬰母及東漢以來梁鴻妻十六事，非向

書本然也。嘉祐中，集賢校理蘇頌以頌義篇次，復定其書爲八篇。家人之義，歸於反身。二

南之業，本於文王。向博極群書，而此傳稱詩芣苢、柏舟、大車之類，與今序詩者異，式微一篇，

又謂二人之作。馬融傳：注列女傳。班昭傳：女誡七篇。唐志：一卷。引女憲。晉王接

傳：撰列女後傳七十二人。長子愆期緣父本意，又集後傳。南史：庾仲容列女傳三卷。

隋志：項原列女後傳十卷。唐志：項宗。皇甫謐傳六卷。綦毋邃傳七卷。杜預要錄三卷，女

記十卷。唐志云：列女記。唐志：女訓十七家，二十四部，三百八十三卷。始於劉向，終於鳳樓

新誠二十卷。失姓名一家。有劉熙傳八卷、孫夫人序贊一卷、虞通之后妃記四卷、長孫皇后女則要錄十卷、魏徵列女傳略七卷、武后列女傳一百卷。唐舊志雜傳：列女十六家。王方慶女記至楊氏女誠，不著錄五家，八十三卷。尚宮宋氏女論語十篇、韋氏續曹大家女訓十二章。荀爽女誠、程曉女典見藝文類聚。曹植列女頌，文選注引之。

【校證】

〔一〕此出曾鞏元豐類稿卷一一列女傳目錄序。

〔二〕以頌義篇次，呂祖謙皇朝文鑑卷八八同，元豐類稿卷一一列女傳目錄序「頌義」下有「爲」字，當從之。

〔三〕列女，原作「烈女」，據四庫本及晉書卷五一王接傳改。

漢列仙列士傳

隋志：漢時阮倉作列仙圖，劉向典校經籍，始作列仙、列士、列女之傳。雜傳類：列女傳十五卷，列士傳二卷，唐志同。列仙傳贊二卷。舊唐志：二卷。又二卷，孫綽。郭元祖贊。葛洪神仙傳十卷。唐志：王方慶後傳十卷。沈汾續神仙傳三卷。史記正義：七略云：「列仙傳二卷，劉向撰。」唐志神仙類卷同。崇文目同，凡七十二人。書目：列仙傳三卷，劉向撰。凡六十三人。杜光庭仙傳拾遺四十卷，凡四百二十九事。沈汾續仙傳三卷，凡飛昇十六人，隱化二十人。樂史總仙秘錄一百

三十卷，自天皇氏以來，類聚登仙名氏，各紀事實，爲五十四門，上之。史嘗爲上清文苑。王松年仙苑編珠一卷，自唐以來一百二十八人。見素子洞仙傳十卷，凡二百九十二人。南史：梁顏協撰晉仙傳五篇。江祿撰列仙傳十卷。後漢注、水經注、文選注引列士傳。又引列仙傳贊。

漢武帝傳

唐志：神仙三十五家：漢武帝傳二卷，郭憲漢武帝別國洞冥記四卷。字子橫。隋志：漢武內傳三卷。莊子釋文引之。書目：漢武帝內傳二卷，載西王母事，後有淮南王、公孫卿、稷丘君八事，乃唐終南玄都道士游巖所附。洞冥記四卷，後漢光祿大夫郭憲載武帝神怪事。

漢中興名臣列士傳 建武以來名臣傳 皇德傳

列傳：班固作世祖本紀，又撰功臣、平林、新市、公孫述等列傳、載記二十八篇。臨邑侯

復好學。永平中，與班固、賈逵共述漢史。復子駙駭及從兄平望侯毅並有才學。永寧中，鄧太后召毅及駙駭入東觀，與謁者僕射劉珍著中興以下名臣列士傳。東觀記一百二十六卷，起光武注記至靈帝，題云「長水校尉劉珍撰」。唐志：駙駭集二卷，珍集二卷。劉珍，字秋孫。南陽人，少好學。永寧元年，

詔珍與駙駭作建武以來名臣傳。侯瑾按漢記，撰中興以後行事，爲皇德傳三十篇。文苑。唐

志：《瑾集二卷。

《唐志正史類：《皇德紀三十卷。《隋志同。起光武至冲帝。

《後漢《五行志注引皇德傳。

宋太

祖時沮渠茂虔獻漢皇德傳二十五卷。

寇、鄧高勛、耿、賈鴻烈。經術如桓榮、丁鴻、范升、賈逵，循吏如任延、杜詩，文章如班彪父子，刑法如郭躬，將帥如班超，諫諍如鍾離意、申屠剛，寬厚如侯霸。

漢陳留耆舊傳

見地理。

《唐許南容策：京兆耆舊，光武創其篇；陳留神仙，阮蒼述其事。梁鴻作逸人之記，劉向修孝子之圖。

孔子弟子先儒傳

《隋志：十卷。

《唐志：《孔子弟子傳五卷，姚澹《四科傳贊四卷。

宋元嘉十四年，河西獻《四科傳四

卷。

《書目：皇朝李昉爲孔子弟子贊傳六十卷，十萬餘言。《國史志：李略。

【校證】

〔一〕此出宋書卷九八氏胡列傳。

魏海內先賢傳

隋志：四卷，魏明帝時撰。唐志：魏明帝，五卷。李氏海內先賢行狀三卷。

舊唐志雜傳：先賢者舊三十九家。

晉高士傳

皇甫謐傳：字士安。以著述爲務，自號玄晏先生。撰高士、逸士、列女等傳^(一)，並重於世。

高士傳序曰：梁鴻頌逸民，蘇順叙高士，或錄屈節，雜而不純^(二)。又近取秦漢^(三)，不及遠古。謐采古今八代之士，自堯至魏，凡九十餘人，雖執節若夷齊，去就若兩龔，皆不錄也。隋

志：皇甫謐高士傳六卷，逸士傳一卷。選注引之。張顯逸民傳七卷。嵇康聖賢高士傳贊二卷。

唐志：傳八卷。周續之傳贊三卷。孫綽至人高士傳贊二卷。周弘讓續高士傳七卷。唐志：鍾離儒

逸人傳七卷。書目：皇甫謐高士傳十卷，起堯世，至魏咸熙中。魏志注：嵇康撰錄上古

以來聖賢隱逸遁心遺名者，集爲傳贊，自混沌至于管寧，凡百一十有九人。嵇康所贊缺一，自擬。^(四)

宋周續之傳：以嵇康高士傳得出處之美，因爲之注。南齊書：宗測續皇甫謐高士傳

三卷。

後漢注引劉昭幼童傳。唐志：十卷。

【校證】

〔一〕列女，原作「烈女」，據四庫本及晉書卷五一皇甫謚傳改。

〔二〕純，原作「紀」，據皇甫謚高士傳序改。

〔三〕取，原脫，據皇甫謚高士傳序補。

〔四〕此出南史卷七六阮孝緒傳。

晉正始名士傳 竹林名士傳

袁宏傳：宏字彥伯，著竹林名士傳三卷。唐志：袁宏名士傳三卷。

世說：袁宏以夏侯太初等

三人爲正始名士，阮嗣宗等七人爲竹林名士，裴叔則等八人爲中朝名士。

隋志：正始名士

傳三卷，袁敬仲撰。江左名士傳一卷，劉義慶撰。竹林七賢論三卷，戴逵撰。

中興書目：滌

文目同。正始名士傳二卷，其中卷竹林名士三逸，上卷增荀粲，下卷增阮修。

文選五君咏引竹

林名士傳。顏延年作五君咏以述竹林七賢，黜山、王。注：（一）

【校證】

〔一〕此出宋書卷七三顏延之傳。

晉江表傳

虞溥傳：字允源。注春秋經傳，撰江表傳。子勃，過江，上江表傳於元帝，詔藏秘書。吳志注引之。

唐志：虞溥江表傳三卷，雜史類。

晉益部耆舊傳

陳壽傳：字承祚，撰古國志五十篇，益部耆舊傳十篇。文選注、蜀志注引之。隋志：十四卷。

唐志同。續傳二卷。蜀志云：漢中陳術博學多聞，著釋問七篇，益部耆舊傳及志。漢議郎圈稱、陳留耆舊傳二

卷。魏蘇林、廣舊傳一卷。陳英宗、陳留先賢像贊一卷。

論衡：楊終子山爲郡上計吏，見三府掾史爲哀牢傳不能成，歸郡作上。孝明奇之，召在蘭

臺。後南蠻傳注引哀牢傳。

晉名臣傳

宋百官志：晉制，著作佐郎始到職，必撰名臣傳一人。魏志注引文士傳、先賢行狀。

孝子傳

唐志：蕭廣濟、王韶之皆十五卷，又贊三卷。師覺授、申秀孝友皆八卷。宗躬二十卷。虞盤佐一卷^(一)。徐廣三卷。梁武帝三十卷。鄭緝之贊十卷。

【校證】

〔一〕虞盤佐，原脫「佐」字，據舊唐書經籍志、新唐書藝文志、冊府元龜卷六〇五及本書卷七「唐二十世家孝經」條補。

梁高隱傳

梁書：阮孝緒著高隱傳，上自炎黃，終於天監末，斟酌分爲三品：言行超絕、名氏弗傳爲上篇，始終不耗、姓名可錄爲中篇，掛冠人世、栖心塵表爲下篇。中篇載一百三十七人，後益劉敞、劉訐二傳^(一)。及孝緒亡，訐兄纂錄次篇末，成絕筆之意。

隋志：阮孝緒高隱傳十卷。唐志同。袁淑真隱傳二卷。

集無名高士。

【校證】

〔一〕劉敞，原作「劉敞」，據四庫本及南史卷七六阮孝緒傳改。